

ODLUKA

**O PRIHVATANJU ZADUŽENJA PO SPORAZUMU O ZAJMU IZMEĐU
BOSNE I HERCEGOVINE I SVJETSKE BANKE - MEĐUNARODNE
BANKE ZA OBNOVU I RAZVOJ (IBRD) ZA ZAJAM ZA RAZVOJNU
POLITIKU JAVNIH FINANSIJA**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Parlament Federacije Bosne i Hercegovine je na sjednici Predstavničkog doma, održanoj 25.4.2017. godine, i na sjednici Doma naroda, održanoj 1.6.2017. godine, d o n i o

ODLUKU

O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I SVJETSKE BANKE - MEĐUNARODNE BANKE ZA OBNOVU I RAZVOJ (IBRD) ZA ZAJAM ZA RAZVOJNU POLITIKU JAVNIH FINANSIJA

I.

Prihvata se zaduženje Federacije Bosne i Hercegovine (u daljnjem tekstu: Federacija) po Sporazumu o zajmu (u daljnjem tekstu: Sporazum) između Bosne i Hercegovine (u daljnjem tekstu: BiH) i Svjetske banke - Međunarodne banke za obnovu i razvoj (u daljnjem tekstu: IBRD) u iznosu do 44.700.000,00 EUR što iznosi 60% ukupno odobrenih sredstava za BiH, koja iznose 74.500.000,00 EUR za Zajam za razvojnu politiku javnih finansija (Public Finances Development Policy Loan - DPL).

II.

Sredstva zajma iz tačke I. ove odluke namijenjena su za pružanje podrške vlastima za provođenje mjera politike radi jačanja javnih finansija u kontekstu šire agende makroekonomske i strukturalne reforme.

III.

Sredstva zajma iz tačke I. ove odluke odobravaju se Federaciji pod sljedećim uvjetima:

- rok otplate (uključen grace period):.....32 godine,
- grace period:.....7 godina,
- pristupna taksa:.....0,25% godišnje,
- naknada za održavanje zajma.....0,25% godišnje,
- kamatna stopa:.....LIBOR (za euro) + varijabilni spread,
- dospijeća:.....polugodišnja,
- datumi plaćanja glavnice i kamata:.....15. maj i 15. novembar svake godine.

IV.

Potvrđuje se da je razmatrana dokumentacija prihvatljiva za Federaciju, a posebno:

- usaglašeni zapisnik sa pregovora;

- Sporazum o zajmu između BiH i IBRD-a;
- Programski dokument za predloženi programski zajam za razvojnu politiku javnih finansija.

V.

Daje se saglasnost za zaključivanje Supsidijarnog sporazuma između BiH i Federacije za sredstva iz tačke I. ove odluke.

Za potpisivanje Supsidijarnog sporazuma ovlašćuje se federalni ministar finansija.

VI.

Za realizaciju ove odluke i izvještavanje zadužuje se Federalno ministarstvo finansija.

VII.

Implementacija Sporazuma iz tačke I. ove odluke ne zahtijeva donošenje novih ili izmjenu postojećih zakona.

VIII.

Ova odluka stupa na snagu narednog dana od dana objavljivanja u "Službenim novinama Federacije BiH".

PFBiH broj: 01,02-02-577/17
Sarajevo, 1.6.2017. godine

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH

Edin Mušić

PREDSJEDAVAJUĆA
DOMA NARODA
PARLAMENTA FEDERACIJE BiH

Lidija Bradara